


Գաղափարի գերին



Exported from Wikisource on 08/12/20

Գաղափարի գերին

[Ծիրվանգաղե](#)

ԳԱՂԱՓԱՐԻ ԳԵՐԻՆ

Նա անցնում էր քաղաքի բազմամարդ փողոցով, որը անգործ ամբոխի համար զբոսավայր էր:

Նրա քայլվածքը հանդարտ էր, քայց անկանոն, ներվային, թվում էր, որ նա ինքն էլ չգիտե ուր է զնում կամ ինչու: Հագած էր նա իր սորական մաշված ու խունացած վերարկուն լայն թևերով, լայն փեշերով, կեղտոտ օձիքով: Հնամաշ, ժապավենները վաղուց դեղնած գլխարկի տակից նրա խորն ընկած, մտախոհ աչքերը ուղղված էին դեպի անորոշ տարածություն: Շուրջը խոսում էին, ծիծաղում, աղմկում, ոչինչ չէր լսում: Նա հրում էր անցորդներին, հրվում էր ուժգին և... ոչինչ:

Նա այդ ամբոխից չէ և չունի ոչ մի կապ նրա հետ: Ինքն իր մեջ պարուրված, նա ճանաշում է միայն իր հոգու աշխարհը և արտաքինը նրա համար գոյություն չունի: Նրա երկայն ու թանձը մազերը, նիհար ուսերի վրա սփոված, նրա կերպարանքին տալիս են թափառական դարվիշի տեսք: Պակասում են միայն տապարն ու թեշկյուլը: Նրա տոպրակի շափ լայն գրավանները լիբն են լրագրերով ու գրքերով: Իսկ մի մեծ գիրք նա բռնած ունե իր կոնատակին և այնպես ամուր, որ, կարծես, վախենում է միգուցե անցորդները խլեն նրա ձեռքից:

Քսանուիհնազ տարի է արդեն անտանելի մտքերը տանջում են նրան, որդերի պես կրծոտում նրա սիրտն ու հոգին: Քսանուիհնազ տարի է նա դարձել է այդ մտքերի կամազուրկ ստրուկը և չի ընդունում ոչ մի օրենք, ոչ մի իշխանություն, բացի նրանց երկարե ճիրաններից:

Դեռ պատաճի հասակին չհասած զգաց, որ կյանքի բարձրագույն երջանկությունը մտքի անկախության և հոգու ազատության մեջ է: Ոչ ոսկին, ոչ սերը, ոչ բարեկամությունը, ոչ գիրքը, ոչ մի բան չի կարող տալ մարդուն այն հաճույքը, որ տալիս է միտքը, երբ նա գործում է, ստեղծագործում և հափշտակում ամբոխին:

Մի անգամ դպրոցական աշակերտները կատակով հարցրին՝ չե՞ր կամենալ արդյոք դառնալ Ալեքսանդր Մակեդոնացի, նա ամենայն լրջությամբ և զգացված պատասխանեց.

— Կկամենայի, բայց ոչ երկրներ գրավելու, այլ մարդկանց հոգիներին տիրանալու համար:

Նրան ծաղրում էին: Սակայն եղան և այնպիսիները, որոնք նրա համար գուշակեցին փայլուն ապագա կամ փիլիսոփայության կամ գրականության ասպարեզում: Նա հափշտակվեց և ավելի խոր հավատաց իր ներքին ձայնին: Ինչ էր ասում այդ ձայնը: Նա շշնչում էր.

— Դու, Միսակ Ավալյան, սովորական մահկանացու չես, մեկը միլիոններից: Քո ճակատին դրոշմված է անմահության կնիքը: Դու կոչված ես մարդկանց հոգիներին տիրանալու քո խելքով, խոսքով ու գրչով: Դու հանձար ես քո ազգի համբավը զարդարելու համար:

Եվ ահա քսանուիհնգ տարի է նա այդ ձայնի գերին է: Ինչե՞ր չի կրել նա հանուն իր բարձր «կոչման». ի՞նչ դառնություններ, ի՞նչ նյութական գրկանքներ և բարյական տառապանքներ: Ա՛հ, եթե զրի առնե բոլորը, ինչ որ ապրել է և զգացել, դուրս կգա մարտիրոսագրության մի ստվար հատոր, որ կարող է սարսուն ազդել ընթերցողների վրա: Նա այդպես էլ ասում էր:

— Իմ կյանքը,— կրկնում էր մերձավոր բարեկամների մոտ,— մի ողբերգություն է անթիվ գործողություններով: Տեսարանները միմյանցից սոսկալի են: Կգա ժամանակ, երբ ես կտամ նրանց գեղարվեստական նկարագիրը, և մարդիկ կտեսնեն ինչ անհոգի տառապանքների է մատնված զաղափարին նվիրված մարդը:

Այսօր նրա ֆանատիկույան ճակատն ավելի կնճռու է, շրթունքներն ավելի սեղմված, նրա վտիտ կերպարանքը, կարծես, ինքը մարմնացած թշվառությունն է: Անցորդները նրան համարում են բախտի անիվի տակ շախշախաված մեկը, որ չգիտե ուր տանի իր ողորմելի անձը, նայում են

նրան մերք կարեկցությամբ, մերք արհամարհանքով: Ոմանք կանգ են առնում և հետաքրքիր հայացրով հետևում են նրա երերուն քայլքերին, կարծես սպասելով, թե ահա, ահա նա ուժասպառ պիտի թափալվի գետնի վրա: Նրան ամեն օր տեսնում են զբոսավայրում, և միշտ մենակ, միշտ խորասուզված իր մտքերի մեջ, միշտ կոնատակին մի գիրք կա և շատերը, որ նրան համարում էին հոգեկան հիվանդ և խղճում են ասելով.

— Ելի այդ խեղճ մարդը:

Նա ճեղքեց ամբոխը մի ամենախիտ տեղ, ցած իշավ մայթից: Նա կամեցավ ձիաքարշ նստել, ինքն էլ չզիտեր ինչու: Կոնդուկտորը մոտեցավ նրան, նա մերենաբար առավ տոմսակը, դրեց գրպանը, վայրկյան անգամ շազատվելով իր մտքերից որպես կախարդված մեկը:

– Իսկ փո՞ղը, – ասաց կոնդուկտորը:

Նա մոռացել էր, որ գրպանում ահա երեք օր է կոպեկ չունի: Շփոթվեց, բայց ի՞նչ փույթ, վաղուց էր սովոր նման պատահարների: Նա տոմսակը հետ դարձրեց, շտապով ցած իշավ վազնից, հետևից լսելով կոնդուկտորի լկտի ծիծաղն ու հայինյանքը:

Ինչ է պատահել, որ այսօր այնքան մտամոլոր է ու շփոթված: Ոչինչ, մի շատ սովորական բան՝ ընդհարում իր կնոջ հետ: Ճիշտ այն պահին, երբ նա սկսեց պարապել իր բազմաթիվ գրքերով ծանրաբեռնված սեղանի մոտ, անգզա կինը մոտեցավ և հանդգնեց նրանից պահանջել օրվա ծախսի համար դրամ: Ընդամենը մի ոուրիշ: Նա մերժեց, որովհետև չուներ:

– Ուրեմն ինչո՞վ պիտի կերակրես երեխաներիդ, – ասաց անողոք կինը այն դարձվածքը, որ ամեն օր կրկնում էր և որ մուրճի պես հարված էր խեղճ մարդու համար:

– Այսօր էլ մի կերպ անցկացրու:

– Այօր էլ, այսօր էլ, մինչև ե՞րբ...

– Կին, կզա մի օր, որ լավ կապրենք և շատ լավ:

Մի դառն, երկարատև ծիծաղ եղավ նրա պատասխանը:

Եվ կրկնվեց ամեն օրվա դարձած տեսարանը:

– Դու ծույլ ես, դու փախչում ես աշխատանքից, դու անհոգ հայր ես, – ասաց կինը:

– Իսկ դու նյութապաշտ ես, երկրին կպած ողորմելի, – ասաց մարդը:

Հազար անգամ կրկնված դարձվածքներ, որ վաղուց էին կորցրել իրանց սրությունը: Բայց այս անգամ, երբ Միսակ Ավալյանը, կամենալով ազատվել անախորժ տեսարանից, վերցրեց վերարկուն ու գլխարկը

դուրս գնալու, կինը դոների միջից շպրտեց մի բառ, որ մինչև այդ օրը չէր լսել նրա ընտանիքը:

– Անքանքար...

Այս մի հատիկ բառը կայծակի նման հարվածեց մարդուն, նա կանգ առավ, գունատվեց, գուցե վայր ընկներ, եթե չհենվեր պատին:

– Ա’հ, դու Էլ, անիրավ, դու Էլ, – արտասանեց, երբ ուշրի եկավ:

– Այո, անքանքար: Մի՞թե մինչև հիմա չգիտեիր:

Ավելի ոչինչ չասաց կինը, դոներն ուժգին թափով ծածկեց և մտավ ներս: Նա զգաց, որ իր ամուսնու ծայրաստիճան հիվանդ ինքնասիրությանը տվեց մի այնպիսի հարված, որպիսին երբեք չէր տվել:

«Անքանքար», – հնչում էր Միսակ Ավալյանի ականջներում սոսկալի բառը, երբ անցնում էր ամբոխի միջով: Ահա, այդ շար ոսխի դիվային մի քրքիչ էր, ավելի վիրավորական, քան թե լսեր «դու գող Ես»: Եվ այս հարվածը տվեց նրան իր կյանքի հավիտենական ընկերը, նա, որը ընդհակառակը, պիտի լիներ իր պաշտպանը, թևեր տվողն ու խրախուսողը:

Անզո՞ւթ կին, վերջապես դառը մի բառ, որի մեջ ամփոփեցիր այն ճշմարտությունը, թե տասներկու տարի է նրան չես ճանաչում, չես գնահատում, չես կարեկցում անգամ: Ի՞նչ ես պահանջում նրանից: Կյանքի նյութական ապահովություն: Չե՞ որ նա քեզ հազար անգամ ասել է, թե չի կարող տալ: Չի կարող, որովհետև այլ է ոսկու հետևից վազելը, այլ է գաղափարին ծառայելը և մեկը մյուսի հետ երբեք չի կարող հաշտվել: Նրա ուղին նեղ է, փշոտ: Նա պետք է լինի մերկ, անոթի, ինչպես եղել են մարդկության բոլոր ուսուցիչները, մտքի բոլոր հերոսները...

«Անքանքար», – կրկնում էր Ավալյանը մտքում, այնպիսի շարժումներ անելով զլխով ու ձեռքերով, որ անցորդները իրավ, ունեին իրավունք նրան ցնորված համարելու:

Եվ այդ ասում է մի կին, որ պատիվ ու բախտավորություն ունի Ավալյանի ամուսինը լինելու: Ինչո՞ւ: Որպեսզի նրա ինքնասիրությունը վիրավորելով, հարկադրե նրան թողնել թանկագին երազները, տենչը մեծ մարդու և դառնալ մի խանութպան, մի գործակատար, անքև, անքոհչք, երկրին կպած մի ողորմելի որդ: Ո՛չ, տիսմար կին, դու չես հասնիլ նպատակիդ: Քանի՞-քանի անգամ նա քեզ ասել է:

– Կին, հասկացիր, ես մեղավոր չեմ, որ իմ միջավայրը տգես է, իմ ազգը գոեհիկ: Այնքան գոեհիկ, որ ընտիր զավակների մտքի սքանչելի արտադրությունները գրախանութներում փունջնելը ոճիր չի համարվում:

Եվ նա «սքանչելի» բառն արտասանելիս միշտ մտածել է իր մի շարք

տպագրված շարադրությունների մասին, որոնք, արդարև փտում էին գրավաճառանոցում:

Անզնելով մի քանի փողոցներ, Ավալյանը հասավ քաղաքի պարտեզներից մեկին: Նա մտավ այնտեղ, նստեց մի նստարանի վրա, քաց արավ թևի տակ դրած զիրքը, որ մի փիյխոփայական տրակտատ էր գերմաներեն լեզվով, և փորձեց փոթորկված հոգին զբաղեցնել ընթերցանությամբ: Շուտով նրա բազմաշարչար գլուխը հոգնեց և ստամոքսն սկսեց բողոքել անոթության դեմ: Նա դուրս եկավ պարտեզից և դանդաղ քայլերով, անցավ մի շարք խանութների առջևունք: Նա կանգ առավ մի նպարավաճառանոցի դեմ: Նայեց համով դասավորված ձկնեղենի, մսեղենի և մրգեղենի նմուշներին, որ շարեշար դրված էին անցորդների ախորժակը գրգռելու համար, քաղցր բորբոքվեց նրա մեջ և ինքն էլ չգիտեր ինչու կատադեց նպարավաճառի դեմ և մտրում ասաց «սրիկա»:

Եվ շտապեց հեռանալ խանութից անողոք քաղցր խլացնելու համար: Նա անցավ դարձյալ մի քանի փողոցներ, միշտ միևնույն անվտահ, երերուն քայլերով: Մի նեղ փողոցի վրա կար մի փոքրիկ աննշան գրախանութ, ուր վաճառքի էին դրված մեծ մասամբ հին գրքեր: Այդ խանութն էր միայն, որ համարձակվել էր հրապարակախոս, իմաստասեր, վիպասան և թատերագիր Միսակ Ավալյանի երկերն ընդունելու «կոմիսիայով» վաճառելու համար: Մյուս գրավաճառները բացեիքաց հրաժարվել էին վերցնելու նրա երկերը, ասելով «տեղ չունենք»:

Նա մտավ այդ խանութը, կանխավ դրսից նայելով և ստուգելով, որ այնտեղ ոչ ոք չկա, քացի գրավաճառից:

– Բարև, բարև, – դիմավորեց նրան գրավաճառը, որ անհրապոյր դեմքով մի մարդ էր, մոտ երեսուն տարեկան:

Եվ ժպտաց մի դառը հեզնական ժպիտով: Ա՛հ, այդ ժպիտն և «բարև, բարև» արտասանող այդ շար և անհյուրընկալ ձայնը վաղուց էին ծանոթ Ավալյանին: Նա գիտեր, որ այդ նշանակում էր «Էլի եկար, զուր բարեկամ, զուր»:

– Հը, ի՞նչ կասես, – փորձեց Ավալյանը նույնպես ժպտալ և չկարողացավ:

Նրա նիհար երեսը, որ երեք քառորդով ծածկված էր թանձր մորուքով, աղավաղվեց և քթի պնչները փքվեցին:

– Ի՞նչ կասեմ, – կրկնեց գրավաճառը. – այն, ինչ որ ասացի երեկ և անցյալ օրը. «ոչ մի օրինակ»:

– Ոչ մի օրինակ, – արտասանեց Ավալյանը և զզաց, որ ձայնը հոգնածությունից, թե քաղցից և թե հուզմունքից դողաց:

– Ոչ մի օրինակ, – պնդեց անողոք գրավաճառը, – և չեմ Էլ կարծում, թե ծախսվի մի օրինակ գոնե մոտիկ ապագայում: Փորձով գիտեմ: Իմ գնողները շատ ժատ են և շափազանց դժվարահաճ: Նրանք միշտ զայիս են ու պահանջում այնպիսի գրքեր, որ ես չունեմ: Անցեք մի ամսից հետո, գուցե ինձ հաշողվի մի քանի օրինակ նադրել իմ անձնական բարեկամների կամ ազգականների վրա:

– Մի ամսից հետո: Բայց ինձ փող Է հարկավոր, ես ոչինչ չունեմ, նույնիսկ հինգ կոպեկ:

– Ե՛հ, բարեկամ, փողն ո՞ւմ չի հարկավոր: Ես ինքս այսօր մեծ կարիքի մեջ եմ:

– Գոնե մի ոուրիշ չե՞ս կարող տալ:

– Ո՛չ ոուրիշ, ո՛չ կոպեկ, չունեմ:

– Ես կոմիսիա կտամ քեզ հարյուրին վաթուն՝ պայմանավորված երեսունի փոխարեն:

– Որ իննսուն տուկոս Էլ տաս, Էլի չեմ կարող, չունեմ:

– Յտեսություն, – ասաց Ավալյանը ընկճված ձայնով և դուրս գնաց:

– Գնաս բարո՛վ:

Եթք Ավալյանը տուն վերադարձավ, կինը կանգնած էր պատշգամբի վրա, ձեռները ծոցը դրած, հայացը ուղղած դեպի վար՝ կեղտոտ գավիթը, ուր խաղում էին նրա զավակները – մեկը վեց, մյուսը չորս տարեկան, երկուսն Էլ աղջկի: Դա փոքրիկ հասակով, քուխ դեմքով, նեղ ճակատով, տափակ մազերով, հիվանդոտ աշքերով մի էակ էր՝ կյանքի առօրյա հոգսերի կատարյալ մարմնացում: Տնային ծանր ու հարատև աշխատանքը և կարիքը զրկել էր նրան իր տարիքին հատուկ թարմությունից: Երեսուն տարեկան չկար. քառասունինգ տարեկանի տպավորություն էր անում:

Նրա մոտ կանգնած էր եղբայրը, մոտ քառասուն տարեկան մի տղամարդ, դեմքի առողջ, խնդուն ու խելացի գծերով, կատարյալ այս աշխարհի զավակ:

– Ահա և՛ ինք, – ասաց նա անփոյթ բարեելով Ավալյանին, – ես ձեզ կհաշտեցնեմ:

Ավալյանը լուռ բարձրացավ սանդուղքով և անցավ բնակարան, որ բաղկացած էր երկու շատ փոքրիկ, շատ անշոր և վերին աստիճանի աղքատ կահավորված սենյակներից: Նա վերարկուն ձգեց աթոռներից մեկի, գլխարկը մյուսի վրա և նստեց զրասեղանի քով: Ծուրջը ձգելով մի մոլոր հայացը, արմունկը հենեց սեղանին,

գլուխը դրեց ձեռի ափի մեջ և աչքերը փակեց: Կար այդ շրջապատող շքավորության մեջ մի սուր

կշտամբանք, որ միշտ պղտորում էր նրա հոգին ինչ տրամադրության մեջ նա լիներ: Անտանելի զգացմամբ, գրեթե սարսափով սպասում էր, թե ահա, ահա ներս է մտնելու կինը և շարունակելու է առավոտյան տեսարանը:

Նա բաց արավ գրասեղանի դարակը, դուրս բերեց այնտեղից մի հաստլիկ ձեռագիր, սկսեց թերթել: Սա նրա վերջին աշխատությունն էր, դեռ անավարտ: Մի գործ, որ իբրև թե պիտի արծարծեր նրա գաղափարներն ավելի հանգամանորեն, քան երբեմն արծարծվել էին նրանք: Այսպես էր նա հավատացած, ուստի և ոգևորված էր: Նա հոյս ուներ այդ գործով, վերջապես, խորտակելու է իր և հասարակության մեջ կանգնած պատճեշը: Ահա, այդ սարսափելի սացե պատը, քանուի նա ճգնում է հալեցնել իր տառապանքի ջերմությամբ և չի կարողանում: Նա դեռ անհայտ է ամբոխին, նրա անունը դեռ չի փայլում գրական հորիզոնում և եթե մերթընդմերթ հնչում է այս կամ այն փոքրիկ շրջանում, միշտ ինքնությամբ: Տկարամիտներն ու անշնորհիքները բռնել են ասպարեզը և չեն քոյլ տալիս մի ուրիշը ոտք դնե այնտեղ:

– Նրանք ինձ ծաղրում կամ ատում են, – մտածում էր նա, – որովհետև վախենում են ինձնից:

Նա հետ դրեց ձեռագիրն և ոտքի ելավ: Սովոր շարունակում էր մաշել նրա ստամոքսը. վախենում էր հարցնել, արդյոք կա ուտելու բան:

Ներս մտավ կինը, նրա հետևից եղբայրը: Կանգ առան և նայեցին նրան՝ քոյրը դառը հեզնական հայացքով, եղբայրը վիրավորական կարեկցությամբ, այնպես ինչպես նայում է զորավարը ապիկարին:

Նրանց տեսնելով Ավալյանը կատաղեց:

– Ի՞նչ եք ուզում ինձնից, – գոչեց նա քոռնցքները սեղմելով և մի ոտք հատակին զարկելով, – թողեք ինձ հանգիստ, ես պիտի պարապեմ, հասկանո՞ւմ եք. մի՛ խանգարեք, բավական է որքան ճնշել եք...

Նրանք ոչինչ շասացին, որովհետև պատրաստվել էին շատ բաներ ասելու: Որպես անողոք դատավորներ նրանք հանդարտ նստեցին իրարու քով՝ պատի տակ դրած հնամաշ, ջարդված ու վաղուց գույնը կորցրած աթոռների վրա: Ավալյանը զգաց, որ սկսվել է մի նոր և մինչ այդ օրը չտեսնված երկար բացատրություն: Ինչ անել, նորից փախչել դո՞ւրս: Ո՛չ, այդ կլինի վերջին երկշոտությունը և նա կպարտվի բարոյապես: Պետք է փոքրիկն ընդունել և դիմադրել թեկուզ վիրավորանքների ու հայույանքների ուժով:

— Այդպես շարունակել չի կարելի,— սկսեց կինը, մի ցածր, երկարատև հառաջանքից հետո, ձեռները կրծքից իջեցնելով և դնելով ծնկների վրա,— պետք է վերջ տալ այս անտանելի կացությանը, իմ ուժերը սպառվել են...

— Ի՞նչ ես պահանջում ինձնից,— հարցրեց Ավալյանը նույնպես նստելով:

— Ինձ համար ոչինչ, երեխաներիդ համար եմ պահանջում,— մարդավարի ապրուստ:

— Միշտ միևնույն երգը: Մարդավարի ապրուստ: Գիտեմ ինչ է քո իդեալը, խոհարար, սպասավոր, ընդարձակ բնակարան թանկագին կահ կարասիով, շքեղ զգեստներ: Կառքեր, ձիեր, զարդ, պշրանք: Տասներկու տարի անընդհատ աշխատեցի և չկարողացա փոխել քո մեշտական հայացքները կյանքի վերաբերմամբ: Կին, այդ համառությունդ կարող ինձ խելագարության հասցնել:

— Լս՞ու ես, Գարեգին,— դարձավ կինը եղբորը,— լս՞ու ես, թանկագին կահ կարասի, խոհարար, սպասավոր, զարդ ու պշրանք: Ահա թե ինչպես է հասկանում իմ պահանջը: Օրվա հացի փող շունենք, երեխաներս շրջում են կիսամերկ, ոտաքորիկ, վերջին շապիկս եմ մաշում, և ես հանկարծ սպասում եմ դրանից փարթամ ապրուստ, հա՛, հա՛, հա՛:

Սուր և կծու Էին Ավալյանի համար և այդ թույլ ձայնը, և այդ դառն ծիծաղը, որ զայիս էր տանջված կրծքի խորքից:

— Արուսյակ,— արտասանեց նա, աշխատելով զապել գրգիռը— խնդրում եմ, բավական է, մի՛ տանջիր ինձ:

— Դեռ ե՞ս եմ քեզ տանջում, ե՞ս: Տասներկու տարի է իմ կյանքը տանջանքների շղթա է, դեռ դո՞ւ ես հանդիմանում ինձ: Մտիկ արա ինձ. ինչ օրի եմ հասել: Աշխատում եմ օրը մինչև երեկո ինչպես փողոցի բեռնակիր, հոգնում եմ և ուժասպառ լինում այնքան, որ շունն էլ փախչում է ինձանից: Խոհանոցի ծուխն ու անվերջ արցունքներս աչքերս կուրացրել են: Նայիր ձեռներիս. նրանք փայտացել են կոպիտ աշխատանքից: Նայիր ինձ, ո՞վ կարող է ասել, որ ես քսանուինը տարեկան եմ: Եվ դեռ ե՞ս եմ տանջում քեզ: Ո՛չ, այսպես ապրել այլս չեմ կարող, հոգնել եմ, ուժ շունեմ...

— Վերջը, վերջը,— պոռաց Ավալյանը,— այդ բոլորը հազար անգամ լսել եմ ու ձանձրացել: Նոր ի՞նչ ես ուզում: Պահանջի:

— Իմ պահանջը իմ ն իմ զավակների անունից է: Ուզում եմ, որ թողնես ցնորքներդ, գոնե այդ հասակում ուշքի զաս և սկսես պարապել մի որևէ գործով:

— Յնորքներ: Այս, ունեմ ցնորքներ, չեմ հերքում: Բայց հենց այդ ցնորքներն են, որ դու չես հասկանում, խեղճ ողորմելի արարած: Դու

գրականությունը գործ չես համարում, դու արհամարհում ես իմ կոշումը, այն աստվածային հույսը, որ այրում է հոգիս և որ այսօր, վաղը պիտի հրդեհե մեր փոտած կյանքը:

— Ա՛յս, թող, աստված սիրես, այդ սովորական դարձվածքները: Նրանք վաղուց են ձանձրացրել ինձ: Դու շատ լավ ես հասկանում իմ միտքը, երևակայիր քո մասին ինչ ուզում ես, բայց մի մոռանար, որ քո առաջին սուրբ պարտականությունը զավակներիդ ապրուստ տալն է:

— Երբեք, երբեք: Իմ առաջին սուրբ պարտականությունը իմ կոչմանը ծառայելն է: Այս, այս, դու խուզ ես, բայց ես միշտ պիտի կրկնեմ, մի հոգի, որ ծնված է ազատ ու անկախ չի կարող ստրկանալ ուրիշ ոչ մի պարտականության, բացի իր կոչմանը: Առօրյա կյանք, մանր–մունք պահանջներ գոյություն չունեն, հասկանո՞ւմ ես, թե չե՞: Մի ժամանակ, երբ ես ուսուցիչ էի, տանջվում էի հոգեպես, մտածելով, որ դավաճանում եմ իմ կոչմանը, ոտնատակ եմ անում իմ սրբություն սրբոցը: Գո՞րծ: Կարծես կա ավելի ազնիվ, ավելի բարձր գործ, քան իմը: Ա՛հ, անմիտ կին, ավելի լավ չե՞: Որ ճակատագրիդ հպատակվես և փոխանակ իմ կյանքը թունավորելու, օգնես ինձ իմ խաչը կրելու: Դո՞ւ ես դժբախտ: Ա՛հ, եթե կարողանայիր մի քիչ բարձր մտածել, կզզայիր որ քո բոլոր ընկերուիհիների, ծանոթների, քո ամբողջ միշտավայրում դու ես երջանիկը, քանի որ իմ կինն ես:

Մի ուրիշ, ավելի դառն, ավելի կծու ծիծաղ եղավ հետզհետե ինքն իր տրամադրությամբ ոգևորվող զաղափարականի պատասխանը:

— Մի՛ ծիծաղիր, անմիտ,— գոչեց Ավալյանը, կատաղությունից ճանկեց իր գլխի քանձը ու երկար մազերը, որոնք պապուասի տեսք էին տալիս նրան,— այսօր դու ինձ վերբեք ես տալիս, որոնց վաղը լիզելու ես բժշկելու համար: Քո ծիծաղը ապտակում է ստեղծագործող հոգիս: Դու բարոյականության դեմ ես ոճիր գործում, խեղճ ողորմելի թգուկ: Դու չես հասկանում, որ ես քո զավակների համար պատրաստում եմ մի զանձ, որին շատ շատերը պիտի նախանձեն: Մի խանգարիք ինձ, ով երկրին կպած արարած, մի խանգարիք հոգուս թոիչքին դու ճղճիմ հոգով: Ես զիտեմ որտեղից են զալիս այդ հովերը: Դու քո խելքով չես գործում: Քեզ սովորեցնում են, քեզ գրգռում են իմ դեմ . . .

Պարզ էր, որ ակնարկը վերաբերում էր տիկնոջ եղբորը:

— Մի՛ համարձակվիր վիրավորել իմ եղբորը,— գոչեց կինը ավելի գրգռվելով,— ես ինչ որ ասում եմ, իմ կարճ խելքով եմ ասում:

Հյուրը, որ մինչև այդ ժամանակ չեր խառնվել մարդ ու կնոջ վիճաբանությանը, մի ներողամիտ հայացք ձգեց Ավալյանի վրա և ասաց.

– Ես զղում եմ, որ այսօր եկա այստեղ, բայց այդ տեսարանն ինձ համար ո՛չ նոր է, ո՛չ զարմանալի: Թոյլ տուր ինձ, Միսակ, մի քանի խոսք ասել և հեռանալ:

– Ա՛հ, գիտեմ ինչ պիտի ասես: Քոյլ ու եղբայր միևնույն խմորից եք հունցված, դուք ինձ երբեք չեք հասկանալու, իսկ ես ձեր մտադրությունը արհամարհում եմ ամբողջ հոգովս:

– Թող այդպես լինի, բայց ես, այնուամենայնիվ, այսօր կասեմ այն, ինչ որ վաղուց չեի ուզում ասել և չեի համարձակվում, խնայելով քո հիվանդու եսասիրությունը: Բանն այն է, բարեկամս, որ դու մի սարսափելի մոլորության մեջ ես, դրանից է առաջանում քո ընտանիքի և քո դժբախտությունը: Խոսքս այն բանի մասին է, որ դու անվանում ես կոչում և որ այնքան հափշտակում է քեզ: Լսիր, սիրելիս, դու չունես այն, ինչ որ երևակայում ես, թե ունես: Պետք է, վերջապես, մի օր ասել քեզ այս դառն ճշմարտությունը և ահա այսօր ասում եմ, դու խորին ինքնախարենության մեջ ես:

– Ինչի՞ վերաբերմամբ:

– Քո գրական ձիրքի: Այո՛, այո, քո գրական ձիրքի, քո այսպես ասած ստեղծագործական շնորհի վերաբերմամբ, լսիր, դու արդեն հասել ես ծերության առաջին շրջանին: Քառասունուիհինգ տարին այնպիսի հասակ է, որ տղամարդը կարող է սառնարյուն լսել նույնիսկ ամենանվիրական ճշմարտությունների մասին: Ասում եմ քեզ, որպես քո հատուկենտ ընթերցողներից մեկը – դու շնորհը չունես: Քսանուիհինգ տարի է դու միայն անհաջողությունների ես հանդիպում, դու պետք է զգայիր այդ . . .

– Ճետո՞՞ հետո՞՞, – պատասխանեց Ավալյանը, զգալով, որ արյունը սկսում է գլուխը տալ:

– Ճետո այն, սիրելիս, որ լինելով մի հասարակ արհեստավոր, այն էլ ոչ բավականաշափ ճարպիկ, քեզ արտիստ ես համարում: Պարզ և անկեղծ ասում եմ, քո գրիչը ոչ մի ազդեցություն չունի քո փոքրաթիվ ընթերցողների վրա: Ես ավելին կասեմ, քեզ ծաղրում են ամենքը, որոնք երբեկցեն քո գրածներից կարդացել են գեր մի քանի տոռեր, ծաղրում են քո հավակնությունը, քո մեծամտությունը, քո մանկական մտքերը, որոնց դու ծիծաղելի լրջությամբ համարում ես խորը փիլիսոփայություն: Ես բարեխսդաբար կարդացել եմ քո բոլոր երկերը: Հավատացնում եմ, անկեղծ հոգով ցանկացել եմ նրանց մեջ գտնել որևէ ստեղծագործական շունչ և չեմ գտել: Քո բոլոր մտքերը հնամաշ կրկնություններ են: Կարող եմ ասել, որ դու իսկի ոճ էլ չունես, գիտես բառերը քիչ թե շատ քերականորեն դասավորել և ուրիշ ոչինչ, այդ է քո ամբողջ ունակությունը: Չորս

գրույկներ իրարու վրա կարդացի և ոչ մի սրամիտ դարձված կամ գեղեցիկ համեմատություն շգտա, ողորմելի, և դու քեզ երևակայում ես բանաստեղծ, վիպասան, դրամատուրգ և շգիտեմ էլ ինչ: Դեռ երեկ քո անկեղծ բարեկամներից մեկը ասում էր գրեթե միևնույնը, ինչ որ ես այժմ ասում եմ: Բարեկամս, քանոնիհինգ տարի է գրում ես և մինչև այս ոչ մի գործդ լուրջ քննադատության կամ վիճաբանության չի արժանացել: Շատ, շատ, քո մասին երբեմն գրել են մի քանի սառը տողեր, որոնք ավելի ներողամտություն են արտահայտել, քան հարզանք: Մի՞թե այսքանը քավական չէ . որ դու վերջապես սրափվես:

– Ինձ չես հասկանում, որովհետև ես ամբոխի համար չեմ գրում, – գոչեց Ավալյանը, – որովհետև իմ գործերը գաճաճների ճաշակի համար չեն գրվում: Որովհետև իմ գաղափարներն անմատչելի են ամբոխին: Որովհետև արհամարհում եմ հասարակությանը, մամուլի և բոլոր այն պարոնների կարծիքը, որոնց հետ դու շփվում ես:

– Երկինքը վկա, այդ խոսքերը ծիծառելի են քո բերնում, – ընդհատեց հյուրը անկեղծ կարեկցությամբ: – Արհամարհում եմ հասարակության և մամուլի կարծիքը: Կարելի է մի՞թե արհամարհել մի քան, որ գոյություն չունի: Ես քեզ ասում եմ, որ քո մասին տիրում է կարծիքների կատարյալ բացակայություն: Հասկացի վերջապես, այդ քանը, խեղճ մարդ և մի կրկնիր չգնահատված հանճարների սովորական երգը: Բայց քավական է, ես իմն ասեցի, մնացյալը դու գիտես:

Եվ հյուրը ոտքի ելավ դուրս գնալու:

Ավալյանը անցուդարձ անելով, կատադությունից շրթունքներն էր կրծոտում: Նրան թվում էր, որ խոսղն իր ոխերին թշնամին է, եկել է հատկապես նրա աչքերի առաջ ոտնատակ անելու նրա սրբությունը:

– Ես ծիծառում եմ քեզ վրա, ես քեզ խղճում եմ, – կարողացավ նա միայն արտասանել:

– Կեղծում ես, բարեկամ, դու չես ծիծառում, այլ կատադում ես: Ծիծառողը սառն է լինում, իսկ դու բորբոքվում ես հենց միայն այդքանը գեղեցիկ ապացույց է, որ դու զգում ես իմ ասածների ճշմարտությունը: Բարեկամս, գիտեմ ես, որ կոպիտ եմ վարվում, դիպչելով քո հոգու հիվանդու տեղին: Բայց ինչ արած, ճշմարտությունն ամենից առաջ: Ա՛հ, ինքնախարենության զնի, ուշքի եկ, վերջապես խեղճ է քո ընտանիքը, խեղճ ես դու: Մի տանջիր քեզ ու քո մերձավորներին: Գիտեմ, դժվար է և դառը հիասքափելը, բայց պետք է քեզ հիասքափեցնել: Դու հիպնոզի ես ենթարկված. մի անգամ ինքդ քեզ ներշնչել ես մի սխալ գաղափար, և նա տարիների ընթացքում աճելով, քո հոգին կլանել է ամբողջովովին:

– Ոգևորությունը խաբել շգիտե, – գոչեց Ավալյանը համոզունքով, – ես ոգևորված եմ, կնշանակե, խարված չեմ: Ինչո՞ւ ես ունեմ այդ ոգևորությունը և ոչ քեզ

դու, մի ուրիշը, քեզ նման հազարավորները: Ո՞չ, ո՞չ, հազար անգամ ոչ, զուր են քո դիվային փորձերը: Ես իմ ուժին հավատում եմ, կնշանակե ուժ եմ:

Նորեն մի դառը ժայխտ աղավաղեց հյուրի խելացի դեմքը: Նա մոտեցավ երկու լուսամուտներից մեկին, բաց արավ և ասաց .

– Տեսնում ես, գետի մյուս ափի վրա, ծառերի խտության մեջ այն մեծ տունը դեղնագույն պատերով: Գնանք մի օր այնտեղ, և ես ցույց կտամ քեզ հարյուրավոր թշվառներ, որոնք նոյնպես հափշտակված են իրենց կոչումով: Նրանք ևս զաղափարների գերիներ են քեզ պես: Մեկն իրեն երևակայում է անուղղելի զորավոր, մյուսը հանճարեղ ճարտարապետ, երրորդը երևելի հոեսոր, մի ուրիշը նշանավոր գիտնական կամ գյուտարար: Յուրաքանչյուրը հափշտակված է իր իդեալով. փորձիր նրանց հասկացնել իրենց մոլորությունը, քեզ կհամարեն խելագար: Բայց, արդյոք, չես խորա այդ թշվառներին:

– Ինչո՞ւ,— պոռաց Ավալյանը, իր վտիտ կրծքի ամբողջ ուժով,— դու ինձ համարում ես խելագա՞ր: Զգուշացիր, Ժխորի զավակ, խելագարը կարող է քեզ իր ճանկերով խեղդել:

– Ե՞հ, քող, ի սեր աստծո, այդ ձևերը: Դու հիստերիկ կին կամ հիվանդ երեխա չես, որ քեզ հետ մեղրալի բերանով խոսեմ, քող իմ անվայելք համեմատությունը վիրավորե քեզ, բայց ես պարտավոր եմ սրափեցնելու համար միջոցների մեջ խտրություն չդնել: Մարդ, որպես ազգական, խղճում եմ քեզ, դեն ձգիր աչքերիդ քողը և հաշտվիր այն ճշմարտության հետ, թե դու հանճար չես և ոչ տաղանդ, և ոչ նույնիսկ միջակություն, այլ ոչնչություն, կատարյալ ոչնչություն: Ի՞նչ իրավունքով ես դու տանջում ուրիշներին, որ ոչնչով մեղավոր չեն քո դժբախտության մեջ: Ահա այս խեղճ կնոջը, որ ամեն օր այդպես լալիս է, ահա այն երեխաներին, կեղտոտ բակում խաղում են շների, կատուների հետ, չունենալով ավելի լավ շրջան: Նայիր, տես ինչի են նման: Իմ սիրտն է մորմոքվում նրանց այդ դրության մեջ տեսնելիս: Կարծես թափառական մուրացիկ գնչուներ լինեն: Նրանց բզկտված բաճկոնները, պատառութված կոշիկները, որոնց միջից երևում են նիհար սրունքները, մի–մի քողոք են քո հանցավոր անհոգության դեմ: Այնինչ դու անսիրտ հայր չես, այլ բարի և շատ բարի: Մտածիր և ինքդ քեզ հարցրու, արդյոք քո անփութությունը անբարոյականության հավասար չէ՞: Արդյոք մի տեսակ զազրելի պարագիտ չե՞ս, կպած ժողովրդի մարմնին: Ես շատ անգամ եմ

քեզանից լսել զանգատներ հայ հասարակության դեմ, շատ անգամ ես դու նրա հասցեին շպրտել վիրավորական կշտամբանքներ, թե զոեհիկ է, չգիտի արժանավայել գնահատել և վարձատրել իր մտավոր աշխատավորներին, այսինքն՝ քեզ և քեզ նմաններին: Ասա՛, ինչո՞ւ, ի՞նչ իրավունքով: Ո՞վ է քեզանից պահանջում զոհաբերություն կամ ո՞վ է կարոտ քո ոգևորությանը: Ինչո՞ւ ես զոռով չգնահատված մարզարե ձևանում: Ո՞ւմ են որևէ օգուտ տվել քո տափակ ոճով արտահայտված մտքերը, իո չի կարելի բռնի կերպով հաստատել, թե դու հայ ազգի

փրկիչն ես: Չե՞ որ բացի քեզնից պետք է մի ուրիշն էլ զգա քո կարևորությունը: Հապա ո՞վ է զգում, ասա, ցույց տուր գոնե մեկին: Մի՞թե բոլորն էլ հիմար են կամ թշնամի, նախանձու, տգես: Այո՛, խոսք չունեմ, ինչպես ամենուրեք, մեր մեջ ևս կան չվարձատրված տաղանդներ, գիտեմ: Բայց երդվում եմ ճշմարտաթյան անունով, որ դու նրանց շարքին չես պատկանում: Հավատա, ամենից առաջ հենց նրանց աշքում ես ծաղրելի, ամենից առաջ հենց նրանք են քեզ արհամարհում:

Նա լուսամատը փակեց ն նորից նստեց:

Քանի մի վայրկյան տիրեց լուսություն: Ավալյանն անցել էր սենյակի մի անկյունը և, մեջքը պատին տված, լսում էր: Նրա վտիտ մարմինը կծկվել էր ու փոքրացել այնպես, որ թվում էր, թե մի պահ ևս, և նա բոլորովին պիտի չքանա: Կինը նայում էր նրան, սրտի խորքում կարեկցում: Ծանր էր նրա համար լսել եղբոր անողոք քննադատությունը իր զավակների հոր մասին և պատրաստ էր պաշտպանել նրան: Բայց ինչպես, ինչ ասել, չգիտեր:

— Ես հասկանում եմ քեզ,— արտասանեց Ավալյանը վշտից ու հուզմունքից երերվող ձայնով,— քոյլ ու եղբայր խոսք մի արած, դուք ուզում եք ինձ հրել բարձրությունից, ձգել վար և ձեզի պես գամել երկրին: Դուք ուզում եք ինձ դարձնել մի հասարակ բեռնակիր, որպեսզի իմ ուսերի վրան ո՞չ միայն իմ զավակների հոգացողությունը, այլև ձեր իշխանությունը, ձեր կամքը, ձեր եսը լինի: Բայց այդ ձեզ չի հաջողվիլ, երդվում եմ, չի հաջողվիլ որքան ևս աշխատեք: Այո՛, քող ես ձեր աշքում լինեմ խելագար, այդ ինձ համար մինչև անգամ գովեստ է, բայց ձեր ուղին ինձ համար զգվելի է: Ահ, դուք, ողորմելի խլուրդներ, ի՞նչ եք դուք ինձ համար, եքեւ ոչ գիշի վրա նոտած ճանձեր, որոնք արծիվների թոհշքի մասին երբեք, երբեք չեն կարող գաղափար կազմել: Հաց, հաց, ահա ձեր գոյության Ան ու Ֆեն:

- Ճետո՛, հետո՞,- կրկնեց հյուրը ամենայն սառնությամբ,— դա՞ է միայն ասելիք, ուրիշ ոչի՞նչ: Բայց այդ բոլորը միայն ֆրազներ

են, հավատացնում եմ, դատարկ, անհմաստ ֆրազներ, դարձյալ ուրիշներից վերցրած և քո ապիկարության կատարյալ ապացույց:

— Դժբախտ, դժբախտ,— արտասանեց կինը, երեսը դարձնելով մի կողմ:

— Այո, ես դժբախտ եմ, որ ունեմ քեզ նման կին և դրա նման ազգական: Ճեռացե՛ք, քողեք ինձ հանգիստ, թողեք:

— Ո՛չ, չեմ թողնիլ, քանի որ վերջին խոսքս չեմ ասել: Լսի՛ր . վաղուց է ինձ հայտնի, որ դու իմ քրոջ հետ ամուսնանալը համարում ես քո դժբախտությունը: Դու այդ մասին մինչև անգամ գրել ես մի պատմվածք և տպագրել անամոթաբար: Դու արտահայտել ես այն բանայլ գաղափարը, թե ընտանեկան կյանքի հիմքը պետք է լինի ամուսինների հոգեկան համերաշխությունը: Դու հրապարակորեն վիրավորել

Ես իմ քրոջը, նկարագրելով նրան որպես մի էակ, որ անընդունակ է ըմբռնել քո դժվարամատչելի զաղափարները և գնահատել քո մեծությունը: Ա՛հ, շճանաչված հանձար, այդ պատմվածքը մեկն է քո անշնորհքության փայլուն ապացույցներից, որովհետև այնտեղ ևս դու կապկություն ես արել, հետևելով ոչ քեզ նման, այլ իսկապես շգնահատված տաղանդների օրինակին: Չեմ վիճում, քույրս շատ էլ մեծ մտավոր զարգացում չունի, բայց նա զորկ չէ առողջ բանականությունից և արժանավորներին զնահատելու ճաշակից: Նա ունի գոնե շնորհալին անշնորհքից զանազանելու չափ ունակություն: Հավատա, եթե դու տաղանդ լինեիր, վաղուց նրան գրաված կլինեիր: Վերջապես, ես ինք կստիպեի նրան համբերությամբ կրել կյանքի նյութական գրկանքները, հանուն քո սուրբ կոչման: Բայց դու չունիս կոչում, բարեկամ, չունիս, ինչո՞ւ ես անհաջողությանդ պատճառները նրա վրա ձգում: Տաղանդ... տաղանդ այնպիսի մի ուժ է, որի առջև վաղ թե ուշ խորտակվում են բոլոր պատճենները և փարատվում է ամեն մի խավար: Նրա դեմ անզոր է և՝ տգիտությունը, և՝ նախանձը, և՝ ատելությունը, ամեն ինչ: Քանոնիհնգ տարի է դու կովում ես, ասա՛, հաղթե՞լ ես որևէ նախապաշարմունք, մի սխալ կարծիք . մի թյուր հասկացողություն, լսե՞լ են երբեք քո ձայնը, հարցըե՞լ են զեք մի անգամ քո կարծիքը այս կամ այն հասարակական գործի մասին: Ունի՞ս դու գոնե մի հատիկ երկրպագու չեմ ասում, այլ պարզ հետևորդ, ուզում եմ ասել աշակերտ: Ճո չի կարելի շարունակ դատարկ խոսքերով կերակրվել և սնուտի երազների մեջ թմրել: Մի բան ևս . ասում ես, թե քո մեջ ուժ ես զգում, բայց չէ որ խելագարներ կան, որ հավատացած են, թե կարող են դարավոր կաղնին արմատահան անել իրանց ձեռքերով և երբ փորձում են, թափալվում են գետնին: Սակայն ներիր, ես նույնիսկ չեմ հավատում, թե դու

որևէ ուժ զգում ես քո մեջ: Այո՛, այո՛, չեմ հավատում, դու միայն կարծում ես, թե զգում ես այդպիսի ուժ, ավելի ճիշտն ասած, քեզ համար ցանկալի է զգալ: Հարցու հոգույդ, և դու կտեսնես, որ երբեք անկեղծորեն չես հավատացել քո կոչմանը: Դու ինքդ քեզ համար արհեստականորեն մի իլյուզիա ես ստեղծել և քեզ համար հածելի է ապրել այդ իլյուզիայով: Մի բուք արթնացիր, նարդ, թող քո երևակայությունը, վերլուծիր ինքդ քեզ, և, հավատացած եմ քո ամենախիստ դատավճիռն ինքդ կտաս: Աա՛, ծշմարիտ չէ՞ իմ ասածը, ու դե՞մ ես, խոսիր, հերքիր, եթե կարող ես, միայն անկեղծ եղիր, հասկան՞ւմ ես, միայն անկեղծ եղիր, խոսիր սրտիդ խորքից և ոչ հանձարների բերնից գողացած խոսքերով: Ա՛յ, հենց այժմ, այս բուքեին դու նման ես այդ հիվանդին, որ համոզված է, թե շուտով մեռնելու է և դարձալ ուզում է հավատալ, որ պիտի առողջանա և ինչո՞ւ, որովհետև թուլամորթների համար հույսը գորություն է, իսկ հուսախարվելը՝ մահ . . .

– Բավական է, բավական է, – աղաղակեց Ավալյանը գրեթե շնչասպառ, – ես քեզ արգելում եմ խոսել: Դուրս այստեղից, սատանա, դուրս, զազրելի օձ, դու թունավորում ես իմ հոգին: Ես չեմ ուզում քեզ լսել, չեմ կարող լսել:

Բայց արդեն ուշ էր: Հյուրի անողորմ խոսքերի մեջ զգացել էր դառը ճշմարտությունը: Երբեք նա այնպես տանջված չէր: Ա՛հ, այդ կոպիտ մարդու պարզ խոսքերով խոսում էր ինքը հասարակությունը: Այո՛, այո՛, նա չգնահատված, շատ արհամարհված անքանքարություն: Միանգամայն ծիշտ է, որ նա այդ քանը զգում է վաղուց: Քանի՛-քանի անգամ սառը, դաժան քանականությունը շշնչացել է նրան . «Ավալյան, դու ստեղծագործող չես, դու մոլորված ես, դու միջակություն ես և ավելի արհամարհելի, քան միջակությունը»: Բայց հավատալն ու հուսալը ավելի հաճելի է եղել, քան հուսախաք լինելը: Այո, նա արվեստաբար սնուցել էր իր մեջ ֆանատիկոսի հավատ դեպի իր չունեցած գանձը և հետզինտե աստիճանաբար ենթարկվել այդ հավատին ինչպես մի ֆակիր, որ ժամերով իր ոտքերի ծայրերին նայելով աշխատում է Նիրվանը ճաշակել և երևակայել, թե ճաշակեց ինչպես մի ստախոս, որ մի հայտնի սուտ հաճախ կրկնելով, վերջիվերջո ինքն էլ հավատում է յուր ստին: Եղել են վայրկյաններ, որ նա փափագել է խոստովանել իր մոլորությունը և քաջություն չի ունեցել խոստովանելու: Նա կեղծիքը գերադասել է հոգու հատակից ձայնող ճշմարտությունը, որովհետև, կեղծիքը շոյել է նրա ինքնասիրությունը, իսկ ճշմարտությունը մտրակել է նրան:

Նա նայեց կնոջը և նրա դեմքի վրա կարդաց վիրավորիշ կարեկցություն: Նայեց հյուրին՝ նույն արտահայտությունը: Որպես դաժանորեն դատապարտված մեկը նա ցանկություն զգաց հարձակվել անողոք դատավորների վրա և խեղդամահ անել նրանց: Նա պատրաստ էր արտասանել ամենագոռեհիկ, ամենավիրավորական մի հայինյանք իր կոնց, նրա եղբոր հասցեին, բայց ամոքի զգացումը թույլ չտվեց նրան այդ անելու: Թույլացած ու ուժասպառ նա նստեց արողի վրա, գրասեղանի քով և գլուխը դրեց ձեռքերի ափերի մեջ: Քսանիինք տարի նա աշխատել է այդ սեղանի քով մոլեռանդ տոկունությամբ, իիվանդոտ երևակայությամբ, իր ոտների տակ ստեղծելով նախանձելի համբավի պատվանդանը: Եվ ահա, այսօր, նրան շոշափելի փաստերով ապացուցում են, թե փխրուն է այդ պատվանդանը, և նա պետք է տապալվի գետին և կործանվի: Ինչ-որ մի քուր բարձրացավ ներսից և սկսեց խեղդել նրա կոկորդը: Նա պահանջ զգաց բարձրաձայն հեկեկալու ինչպես մի մանուկ, որի աշքերի առջև շարդուփշուր էին արել նրա ամենաքաղին խաղալիքը: Բայց կեղծ ինքնասիրությունը, որ այնքան ստրկացել էր նրան, այս անգամ ևս օգնության հասավ: Նա կարողացավ զսպել իրան, բայց կատաղությունից սկսեց կրծոտել իր ձեռները:

Հյուրը նրա ոսկրոտ թիկունքների ցնցումներից զգաց անտանելի հոգեկան տանջանքը: Մի վայրկյան զղաց, որ այնքան խիստ վարվեց ողորմելի մարդու հետ: Բայց նա նայեց շուրջը, ուր տիրում էր հուսահատական շքավորությունը, նայեց քրոջ հյուծված կերպարանքին և նորեն լսեց նրա լացը: Եվ ասաց իրեն, թե պարտավոր էր այդպես վարվել, և ոչ մի մխիթարական խոսք, ոչ մի խրախուսանք:

Դոները աղմուկով բացվեցին, ներս վագեցին Ավալյանի զավակները՝ երկու պղնձագույն էակներ իրանց ցնցոտիների մեջ: Աղքատությունը կարծես ծծել էր

նրանց կյանքի հյութը դեռափթիթ հասակսւմ: Նրանց նիհար, հիվանդու դեմքերի վրա չկար մանկական աշխուժության ոչ մի նշույլ: Վաղաժամ բախիծը պարուրել էր նրանց աշքերի պայծառությունը:

Նրանք կանգ առան սենյակի մեջտեղում և նայեցին նախ իրենց մորը, ապա հորը: Հասկացան անմիջապես, որ նրանք դարձալ ընդհարվել են և դարձալ միմյանց վիրավորել: Սովորական տեսարան, որ ամեն օր կրկնվելով, մանուկ տեսողության համար դարձել էին անհրաժեշտություն: Նրանք բնազդորեն միշտ եղել էին մոր կողմը, որովհետև նա էր միշտ լաց լինում և տանջվում նրանց աշքի առջև:

– Ինչո՞ւ եկաք, – ասաց քեռին, – գնացեք, խաղ արեք դրսում... Դե՛հ, շուտ: Եվ քոնելով նրանց թևից դուրս տարավ և դոները փակեց:

– Աստված իմ, – արտասանեց մայրը, աշքերը սրբելով, – ես նրանց համար դեռ ոչինչ չեմ պատրաստել ուտելու:

Նայեց եղբորը մի հայացքով, որ միաժամանակ արտահայտում էր և՛ աղերս, և՛ երկյուտ, և՛ ամոթ:

Եղբայրը դուրս բերեց գրպանից մի քանի ոռոբլի և զաղտուկ տվեց նրան:

– Մինչև երբ, – արտասանեց քույրը, խոր հառաչելով:

Այդ պահին Ավալյանը գլուխը բարձրացրեց և, ոտքի ելավ, գոռալով:

– Մուրացկա՞ն, ես թոյլ չեմ տա, երբե՛ք, հետ տուր այդ փողերը, հետ տուր, ինչպե՞ս համրաճակվեցիր վերցնել:

– Ինչե՞ր ես խոսում, Միսակ, չէ՞ որ քո կնոջ եղբայրն եմ:

Այդ սիևնոյն է, չեմ ուզում: Ես ինքս կգտնեմ փող, հետ վերցրու քո ողորմությունը: Գրավ կղնեմ ինձ և չեմ թողնիլ, որ երեխաներս մուրացկանությամբ ապրեն: Աա՛, դուք ինձ համարում եք ողորմելիի: Ես ձեզ արգելում եմ խղճալ ինձ: Կզնամ, իսկույն փող կբերեմ, իսկ հետո կտեսնեք ով է մեզնից ավելի ողորմելի: Ե՞ս, թե դու, ե՞ս, թե դու...

Նա վերցրեց գլխարկն ու վերարկուն և դուրս վազեց խելագարի պես:

Քույրը տարակուսանքով նայեց եղբորը:

– Մի վախենար, – ասաց եղբայրը, – այդ լավ նշան է, նա բժշկվում է:

– Տեսնենք...

Ամբողջ մի շաբաթ Ավալյանն անձանաշելի էր: Նրան պաշարել էր անսովոր եռանդ: Դուրս էր գալիս տանից առավոտները կանուխ և վերադառնում էր ճաշին: Գրասեղանին չէր մոտենում, չէր գրում և ոչ էլ կարդում էր:

Կնոջ և երեխաների վրա չէր գոռում, չէր հանդիմանում նրանց, թե խանգարում են նրան պարապելու: Լուս էր, սովորանից ավելի մտազբաղ, տխուր:

Մի օր նա, տուն վերադառնալով, ասաց.

– Այժմ դու կարող ես հանգստանալ, ես գործ գտա: Ինձ տվել են երկու մասնավոր դասեր մի հարուստ ընտանիքում:

– Ա՛հ, փառք աստծո, – չկարողացավ թաքցնել իր ուրախությունը կինը, – այժմ գոնե հաց կունենանք:

– Այո, կունենանք, կունենանք, – կրկնեց Ավալյանը ներվայնաբար:

Արդարեւ, մի քանի ամիս նրանք հաշտ էին: Կարելի էր կարծել, որ խոռվություններն առմիշտ փախել են այդ ընտանիքից, ուր նրանք բույն

Էին դրել տասներկու տարի: Ո՛չ մարդն էր բորբոքվում ու գոռում, ո՛չ կինն էր զանգատվում, լալիս: Շուտով երեխաների վրա երևացին նոր հազուստներ և ոտներին նոր կոշիկներ:

Բայց Միսակը շարունակ լուս էր, կնոջ ոչ մի հարցին չէր պատասխանում, երեխաներին չէր փաղաքշում:

Մի անգամ նա տուն վերադարձավ արտաք կարգի գրգռված և ասաց.

– Ես դասերից հրաժարվեցի:

Կինը սարսափեց:

– Ինչո՞ւ, – հարցրեց նա դողդողալով:

– Հենց այնպես, չեմ ուզում պարապել: Չեմ կարող, տանջվում եմ:

Նա մոտեցավ գրասեղանին և դուրս քերեց այնտեղից իր անավարտ ձեռագիրը:

– Տեսնո՞ւմ ես, – գոչեց, ձեռքը զարկելով ձեռագրին, – ես չեմ կարող զավակս թաղել գերեզմանում, չեմ կարող: Թող քո եղբայրը չպարծենա, թե ինձ շիտակ ճանապարհի վրա դրեց իր ողորմելի համոզմունքներով: Ինձ ուղղել ոչ ոք չի

կարող, ոչ ոք: Ահա նա, զալիս է իմ կարծեցյալ ուսուցիչը: Տե՛ս, ինչ ինքնազոհություն է արտահայտում նրա կոշտ դեմքը, հա՛, հա՛, հա՛, երևակայում է, որ ինձ կորստից փրկել է: Ո՛չ, ո՛չ, երկրին մեխաված հոգի, դու չես կարող ինձ իմ բարձունքից իշեցնել մինչև քո ողորմելի աստիճանը: Իմ աշխարհն այլ է, քեզ համար անմատչելի, անհասկանալի: Հեռացիր, մի խանգարիր ինձ այլսս, դե՛հ, շուտ-շուտ հեռացիր, կորի՛ր:

Հյուրը բնեռվեց դոների շեմքի վրա:

– Թողեք ինձ, ահա իմ տեղը, – շարունակեց Ավալյանը, ձեռն ուժգին սեղանին զարկելով, – այստեղ եմ սկսել ապրել, այստեղ էլ պիտի մեռնեմ: Ես չեմ կարող օրվա հացի ստրուկը դառնալ, հասկան՞ւմ եք, չեմ կարող: Բավական է որքան տանջվեցի այս քանի ամիսները: Այսօր հրաժարվեցի դասերիցս և այժմ դարձալ նոյն Ավալյանն եմ... Ես իմ կոչման գերին եմ... այո՛, այո՛, իմ գաղափարի...

Հյուրը նայեց նրան խորին կարեկցությամբ և ասաց.

– Դու հիվանդ ես և անքուժելի:

Նոյն տարվա աշնանը Ավալյանը հիվանդացավ: Նրա վտիտ ու հյուծված մարմինը շղիմացավ թոքերի թորբորմանը: Նա վախճանվեց, թողնելով զավակներին անոթի:

Մեկը նրա գերեզմանի վրա ասաց...

– Նրան սպանեց ամբոխի տգիտությունը...

About this digital edition

This e-book comes from the online library [Wikisource](#)^[1]. This multilingual digital library, built by volunteers, is committed to developing a free accessible collection of publications of every kind: novels, poems, magazines, letters...

We distribute our books for free, starting from works not copyrighted or published under a free license. You are free to use our e-books for any purpose (including commercial exploitation), under the terms of the [Creative Commons Attribution-ShareAlike 3.0 Unported](#)^[2] license or, at your choice, those of the [GNU FDL](#)^[3].

Wikisource is constantly looking for new members. During the realization of this book, it's possible that we made some errors. You can report them at [this page](#)^[4].

The following users contributed to this book:

- GeoO

1. [↑ http://wikisource.org](http://wikisource.org)

2. [↑ http://www.creativecommons.org/licenses/by-sa/3.0](http://www.creativecommons.org/licenses/by-sa/3.0)

3. [↑ http://www.gnu.org/copyleft/fdl.html](http://www.gnu.org/copyleft/fdl.html)

4. [↑ http://wikisource.org/wiki/Wikisource:Scriptorium](http://wikisource.org/wiki/Wikisource:Scriptorium)